

քաղաքացիներից 2017թ. ստացել է թվով 9, իսկ 2018թ. թվով 16 դիմում-բողոքներ, իսկ ՀՀ տարբեր պետական և տեղական ինքնակառավարման մարմիններից 2017-2018թթ. վերահասցեագրված թվով 15 դիմում բողոքներ:

Վարչական վարույթը համարվում է հարուցված համապատասխան դիմումը կամ բողոքը վարչական մարմնում ստանալու օրվանից, հետևաբար տեսչական մարմինը բոլոր դիմում բողոքների հիման վրա պարտավոր էր հարուցել վարչական վարույթներ:

Այսպիսով, հաշվի առնելով վերոգրյալը, հաշվեքննող խումբը հաշվեքննող ժամանակաշրջանում՝ 2017թ.-ի հունվարի 1-ից 2018թ.-ի սեպտեմբերի 30-ը, արձանագրել է հետևյալ խեղաթյուրումներն ու անհամապատասխանությունները՝

1. Տեսչական մարմնում 2017-2018թթ. համար պետք է հարուցված լինեին թվով 40 վարչական վարույթներ, որոնք չեն հարուցվել, ինչը չի համապատասխանում «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին և 2-րդ մասերի դրույթների պահանջներին:

Առաջարկություններ՝

Հաշվեքննության ընթացքում արձանագրված անհամապատասխանությունների կամ խեղաթյուրումների վերաբերյալ հաշվեքննության օբյեկտի ղեկավարությանը և այլ շահագրգիռ կողմերին ներկայացվում են հետևյալ առաջարկությունները՝

Տեսչական մարմին՝

1. Պատշաճ վարչարարություն իրականացնել՝ սեփական նախաձեռնությամբ կամ անձանց դիմում-բողոքների հիման վրա հարուցել վարչական վարույթներ:

Հաշվեքննության օբյեկտների ղեկավարների պատասխաններ

Տեսչական մարմին՝

Տեսչական մարմնի կողմից ներկայացված առարկությունները և բացատրությունները էական առումներով որևէ հիմնավոր պարզաբանումներ չեն պարունակել, կրել են հիմնականում բացատրական բնույթ և հաշվեքննության խմբի կողմից չեն ընդունվել:

ՀՀ տնտեսական զարգացման և ներդրումների նախարարություն՝

ՀՀ տնտեսական զարգացման և ներդրումների նախարարության կողմից այս կետի վերաբերյալ առարկությունները և բացատրություններ չեն ներկայացվել:

IV. ՏԵՍՉԱԿԱՆ ՄԱՐՄՆԻ ՂԵԿԱՎԱՐԻ ՀՐԱՄԱՆՆԵՐՈՎ ՄԻԱՆՎԱԳ ԴՐԱՄԱԿԱՆ ԽՐԱԽՈՒՍԱՆՔՆԵՐՆ ՈՒ ՊԱՐԳԵՎԱՏՐՈՒՄՆԵՐԸ

Տեսչական մարմնի ղեկավարի 24.09.2018թ.-ի 368-Ա հրամանով աշխատողների նկատմամբ կիրառվել են միանվագ դրամական խրախուսանքներ և պարգևատրումներ, ընդհանուր առմամբ **5,606.0** հազ. դրամի չափով, մինչդեռ տվյալ ֆինանսական միջոցների կարգադրիչը հանդիսանում է ոչ թե ՀՀ շուկայի վերահսկողության տեսչական մարմինը, այլ՝ ՀՀ տնտեսական զարգացման և ներդրումների նախարարությունը:

«Տեսչական մարմինների մասին» ՀՀ օրենքի 8-րդ հոդվածի 4-րդ մասի և Տեսչական մարմնի կանոնադրության 21-րդ կետի համաձայն Տեսչական մարմնի ղեկավարի և տեղակալների նկատմամբ խրախուսման ու պատասխանատվության միջոցներ կիրառում է ՀՀ վարչապետը՝ խորհրդի ներկայացմամբ: Սակայն վերջիններս խրախուսում ստացել են Տեսչական մարմնի ղեկավարի հրամանով:

Այսպիսով, հաշվի առնելով վերոգրյալը, հաշվեքննող խումբը հաշվեքննող ժամանակաշրջանում՝ 2017թ.-ի հունվարի 1-ից 2018թ.-ի սեպտեմբերի 30-ը, արձանագրել է հետևյալ խեղաթյուրումներն ու անհամապատասխանությունները՝

1. Տեսչական մարմնի կողմից թույլ են տրվել անհամապատասխանություններ «Բյուջետային համակարգի մասին» ՀՀ օրենքի 1.2 հոդվածի 12-րդ մասի դրույթների հետ, այն է՝ բյուջետային հատկացումների գլխավոր կարգադրիչներն են պետական բյուջեով նախատեսվող հատկացումների գծով տվյալ տարվա պետական բյուջեի ելքերի գերատեսչական կառուցվածքում նշված պետական մարմինները և (կամ) պետական հիմնարկները՝ իրենց գծով սահմանված հատկացումների մասով:
2. Տեսչական մարմնի կողմից թույլ են տրվել անհամապատասխանություններ «Տեսչական մարմինների մասին» ՀՀ օրենքի 8-րդ հոդվածի 4-րդ մասի և Կանոնադրության 21-րդ կետի դրույթների հետ, այն է՝ տեսչական մարմնի տեղակալների նկատմամբ խրախուսման միջոցներ կիրառում է ՀՀ վարչապետը՝ խորհրդի ներկայացմամբ:

Առաջարկություններ՝

Հաշվեքննության ընթացքում արձանագրված անհամապատասխանությունների կամ խեղաթյուրումների վերաբերյալ հաշվեքննության օբյեկտի ղեկավարությանը և այլ շահագրգիռ կողմերին ներկայացվում են հետևյալ առաջարկությունները՝

Տեսչական մարմնին՝

1. Հետամուտ լինել, որպեսզի միանվագ դրամական խրախուսանքները և պարգևատրումները տրամադրվեն այն մարմնի կողմից, որը հանդիսանում է ֆինանսական միջոցների կարգադրիչը:

ՀՀ կառավարությունը՝

1. Հետամուտ լինել, որպեսզի տեսչական մարմնի տեղակալների նկատմամբ խրախուսման միջոցները կիրառվեն ՀՀ վարչապետի կողմից՝ խորհրդի ներկայացմամբ:

Հաշվեքննության օբյեկտների ղեկավարների պատասխաններ

Տեսչական մարմին՝

Տեսչական մարմնի կողմից այս կետի վերաբերյալ ներկայացված առարկությունները և բացատրությունները էական առումներով որևէ հիմնավոր պարզաբանումներ չեն պարունակել, կրել են հիմնականում բացատրական բնույթ և հաշվեքննության խմբի կողմից չեն ընդունվել:

ՀՀ տնտեսական զարգացման և ներդրումների նախարարություն՝

ՀՀ տնտեսական զարգացման և ներդրումների նախարարության կողմից այս կետի վերաբերյալ ներկայացված առարկությունները և բացատրությունները էական առումներով որևէ հիմնավոր պարզաբանումներ չեն պարունակել, կրել են հիմնականում բացատրական բնույթ և հաշվեքննության խմբի կողմից չեն ընդունվել:

V. ՏԵՍԶԱԿԱՆ ՄԱՐՄՆԻ ԿՈՂՄԻՑ ԶԱՓՈՒՄՆԵՐԻ ՄԻԱՄՆԱԿԱՆՈՒԹՅԱՆ ԱՊԱՀՈՎՄԱՆ ԲՆԱԳԱՎԱՌՈՒՄ ԻՐԱԿԱՆԱՑՎԱԾ ԼԱԲՈՐԱՏՈՐ ՀԵՏԱԶՈՏՈՒԹՅՈՒՆՆԵՐԸ

Տեսչական մարմինը չի օգտագործում իր թվով 2 շարժական լաբորատորիաները

Տեսչական մարմինը «Հափումների միասնականության ապահովման մասին» ՀՀ օրենքով սահմանված օրենսդրական չափազիտության տարածման ոլորտների պահանջների պահպանման, հաստատված տեսակի չափման միջոցների կիրառման, չափումների

կատարման վկայագրված մեթոդիկաների առկայության և չափումների միասնականության ապահովման բնագավառում տեխնիկական կանոնակարգերի պահանջների պահպանման նկատմամբ պետական չափազիտական վերահսկողության իրականացման ընթացքում կատարում է նաև լաբորատոր հետազոտություններ: Մարմնում առկա են թվով երկու շարժական լաբորատորիաներ, որոնք համալրված են համապատասխան սարքերով և սարքավորումներով: *Տեսչական մարմնի շարժական լաբորատորիաների միջոցով տեսչական ժամանակ է լաբորատոր հետազոտություններ չեն իրականացվել, փոխարենը տեսչական մարմնի կողմից լաբորատոր հետազոտությունները և փորձաքննությունները 2018 թ. դեկտեմբերի 4-ի դրությամբ 12,405.2 հազ.դրամ գումարի չափով, որից քննիչի որոշմամբ՝ 11,824.0 հազ.դրամ, ծրագրային փորձարկում՝ 581,2 հազ.դրամ պատվիրվել է «Ստանդարտների ազգային ինստիտուտ» ՓԲ ընկերությանը:*

Այսպիսով, հաշվի առնելով վերոգրյալը, հաշվեքննող խումբը հաշվեքննող ժամանակաշրջանում՝ 2017թ.-ի հունվարի 1-ից 2018թ.-ի սեպտեմբերի 30-ը, արձանագրել է հետևյալ խեղաթյուրումներն ու անհամապատասխանությունները՝

1. Տեսչական մարմինը չի օգտագործում իր թվով 2 շարժական լաբորատորիաները:
2. Տեսչական մարմինը լաբորատոր հետազոտություններն իր մոտ կատարելու փոխարեն պատվիրում է «Ստանդարտների ազգային ինստիտուտ» ՓԲ ընկերությանը՝ հավելյալ վճարելով 2018 թ. դեկտեմբերի 4-ի դրությամբ 12,405.2 հազ.դրամ:

Առաջարկություններ՝

Հաշվեքննության ընթացքում արձանագրված անհամապատասխանությունների կամ խեղաթյուրումների վերաբերյալ հաշվեքննության օբյեկտի ղեկավարությանը և այլ շահագրգիռ կողմերին ներկայացվում են հետևյալ առաջարկությունները՝

Տեսչական մարմնին՝

1. Սահմանված կարգով օգտագործել իր թվով 2 շարժական լաբորատորիաները: